

ՁԵՆՈՆ ԿԱՅՍԵՐ «ՅԵՆՈՏԻԿՈՆԸ»

Յետքաղկեղոնական առաջին տասնամյակների եկեղեցական պատմությունը բնութագրվում է աստվածաբանական-դավանաբանական բուռն ու անհաշտ վիճաբանություններով: Դա, միաժամանակ, նշանակում է նաև, որ վիճաբանության կողմերը կազմող դավանաբանական ուղղություններից յուրաքանչյուրն անցնում է զարգացման իր ուրույն և բարդ ճանապարհը: Ներեկեղեցական հարաբերությունների զարգացման պատմական փուլերից մեկն էլ կապված է Ձենոն կայսեր «Յենոտիկոնի» հետ:

V դարի 60-70-ական թվականներին բյուզանդական եկեղեցու դեմ հակաքաղկեղոնական հոսանքների անհաշտ պայքարը կայսրության քաղաքական և հոգևոր վերնախավին հարկադրեց վճռական քայլերի դիմել ներեկեղեցական հարաբերությունները կարգավորելու ուղղությամբ: Այդ շարժման զուլխ կանգնեցին Ձենոն կայսրը և Կ. Պոլսի Ակակիոս պատրիարքը լիովին համոզված լինելով այն բանում, որ կայսրության ներքին անդորրը պահպանելու համար անհրաժեշտ է վերջ տալ եկեղեցական պառակտումներին: Նրանք դավանաբանական փոխգիշերմների հենքի վրա առաջադրեցին և փորձեցին ծավալել միարարական քաղաքականություն, որը, դուրս գալով կայսերական շրջանակներից, համաքրիստոնեական նշանակություն ձեռք բերեց: Հատկանշականն այստեղ այն է, որ ինչպես կայսրը, այնպես էլ Կ. Պոլսի պատրիարքը ծգտում էին միարարության հասնել ոչ թե հարկադրանքների, այլ քննարկումների քաղաքականության հիման վրա: Ընդ որում, երկուսն էլ քաջ գիտակցում էին, որ իրենց նպատակների իրականացումն անխուսափելիորեն սրելու էր հակասությունները Հռոմի աթոռի հետ: Եվ, քանի որ վանդալների կողմից շրջապատված Հռոմը կտրված էր արտաքին աշխարհից, Բյուզանդական կայսրության քաղաքական ու հոգևոր ղեկավարները վճռականորեն ձեռնամուխ եղան մտահղացված ծրագրի իրականացմանը:

Անգ հասած պատմաեկեղեցական վավերագրերը թույլ են տալիս մատնանշել նոր քաղաքականության ևս մեկ միտում: Խոսքը վերաբերում է այն բանին, որ Ձենոն կայսրը և Ակակիոս պատրիարքը նոր դավանագիրը նախապատրաստեցին ալեքսանդրացի հակաքաղկեղոնական եպիսկոպոս Պետրոս Մոնզի հետ, որն էլ դարձավ իրենց որդեգրած քաղաքականության դավանաբանական սահմանումը: Այդպես 482 թ. հրապարակ իջավ դավանաբանական

բնույթի մի նոր հրովարտակ, որը պատմությանը հայտնի է Ձենոնի «Յենոտիկոն» անվամբ:

Պատմագիտական և եկեղեցաբանական գրականության ընդհանրական կարծիքի համաձայն Ձենոն կայսեր «Յենոտիկոնը» համարվում է փոխգիշու՛նային դավանագիր: Այդ առիթով Ու. Ուոլքերը գրում է «482 թ. Ձենոն կայսրը հրապարակեց հայտնի Յենոտիկոնը, որը դատապարտում էր Եվտիքեսին: Ձենոնը կանոնական համարեց Կյուրեղի քրիստոսաբանությունը, սակայն չպատասխանեց այն հարցին, թե Լևոնի տոմարի երկու բնությունների վարդապետությունն ու քաղկեդոնական սահմանումը արդյո՞ք համատեղելի էին դրա հետ. նա հույս ուներ, որ այդ քաղաքականությանը կարող է հաշտեցնել այդ երկու հատվածները»¹: Սակայն հիմնահարցի նկատմամբ նման մոտեցումը բավարար հիմնավորված չէ, քանի որ քաղկեդոնական աստվածաբանության նկատմամբ իր վերաբերմունքով «Յենոտիկոնը» բավականին արմատական էր:

Կաթոլիկ ականավոր աստվածաբան և եկեղեցագետ Ղյուշենը, արձանագրելով դավանագրի կառուցվածքային առանձնահատկությունը, մատնանշում է, որ «Միության հրամանագիրը կամ Յենոտիկոնը շարադրված է նամակի ձևով, որը Ձենոնի կողմից հասցեագրված էր Ալեքսանդրիայի, Եգիպտոսի, Լիբիայի և Պենտապոլսի եպիսկոպոսներին, հոգևորականներին, վանականներին, ինչպես նաև հավատացյալներին: Այստեղ նա առաջ է քաշում Նիկեայի և Կ. Պոլսի հավատամքների վրա հենված իր հավատքը»²: Պ. Սեյենդորֆը ավելացնում է, որ «Ձենոնի Յենոտիկոնը ... հասցեագրված էր Ալեքսանդրիայի եկեղեցուն, և նրանում որևէ եպիսկոպոսի անվան հիշատակում չկա: Կայսրը միության կոչ էր անում և հայտարարում, որ կայսրության բոլոր եկեղեցիները չպետք է այլ հավատք ընդունեն, բացի Նիկեայի և Կ. Պոլսի հավատամքներից: Կայսրը բանադրում է Եվտիքեսին, ընդունում Կյուրեղի 12 նզովքները, որոնց հիման վրա էլ հրապարակում է քրիստոսաբանական հավատքի խոստովանություն, որը խոսափում էր «բնություն», «հիպոստասիս» (էություն Լ. Բ.) և «պրոսոպոն» (ղեմք Լ. Բ.) եզրերն օգտագործելուց»³:

¹ Stv, A history of the Christian Church (ed. by Wilsston Walker). New York, 1985, p. 174. Ըստ էության նույնն է նաև Արևմտյան և Արևելյան աստվածաբանության համրագումարային տեսակետը: Карташев А. В. Вселенские соборы. М., 1994, с. 244-245. Писнов М. Э. История христианской Церкви (до разделения Церквей - 1054 г.) Брюссель, 1964, с. 405-407; Болотов В. В. Лекции по истории древней Церкви. Т. 4, М., 1994, с. 341; Philip Schaff. History of the Christian Church, V 3, Massachusetts, 1996, p. 396. Kelli J. N. D. Early cristian creeds, Singapore, 1993, p. 123 և այլն:

² Abbe Duchesne. The Early history of the Church. V. 3, London, 1950, p. 348.

³ Meyendorff P. Imperial unity and christian divisions New York, 1989, p. 198.

Այդ ամենը վկայում են, որ «Յնոտիկոնն» իրենից ներկայացրել է բավականին բարդ և, մեր համոզմամբ, չափազանց կարևոր դավանական փաստաթուղթ, որը, ժամանակաշրջանի հավատքային այլ փաստաթղթերի նման, եկեղեցական տարբեր ուղղությունների կողմից տարբեր կերպ է արժեքավորվել: Հաշվի առնելով այն, որ «Յնոտիկոնը» ամենից առաջ ուղղված է եղել Ալեքսանդրիայի, Լիբիայի և Պենտապոլսի եպիսկոպոսներին, հոգևոր դասին և շարքային հավատացյալներին, պետք է ենթադրել, որ այն ամենից առաջ ուղղված էր հակաքաղկեդոնական արձատական թևին: Եվ ամենակին էլ պատահական չէ, որ «Յնոտիկոնում» Ձենոն կայսրը հռչակում էր, թե պաշտպանում է Նիկեայի 325 թ. և Կ. Պոլսի 381 թ. տիեզերածոգովների հաստատած Հավատո հանգանակը և Քրիստոսի բնությունների վերաբերյալ ուղղադավան այն վարդապետությունը, որը Եփեսոսում հաստատվել է ընդդեմ Նեստորի և Նեստորականության: Այդ կապակցությամբ կայսրը հռչակում է. «Թող հայտնի լինի Ձեզ, որ մենք և բոլոր եկեղեցիները չենք ընդունել, չենք ընդունում և չենք ընդունելու որևէ այլ Հանգանակ կամ Հավատքի սահմանում բացի այն Սուրբ Հանգանակից, որն ստորագրվել է Նիկեայի 318 և հաստատվել Կ. Պոլսի 150 երջանկահիշատակ հայրերի կողմից, որին հետևում էին նաև Եփեսոսում հավաքված սուրբ հայրերը՝ Նեստորին և Նրա համախոհներին տապալելու համար: Նեստորին, Եվտիքեսին, ինչպես նաև Նրանց նման դատող մարդկանց մենք բանադրում ենք, հիմք ընդունելով այն 12 նզովքները, որոնք տրված են երջանկահիշատակ Կյուրեղ Ալեքսանդրացու կողմից»⁴:

«Յնոտիկոնն», այսպիսով, աներկբա հավաստում է իր հավատարմությունը քրիստոնեության առաջին տիեզերական ժողովների ուղղադավանությանը: Դա հիմք է տալիս վստահորեն պնդել, որ այն ուղղված էր քրիստոսաբանական վիճաբանությունների ծայրահեղ երկու դրսևորումների՝ Նեստորականության և Եվտիքեականության դեմ, և ակնհայտորեն ցույց է տալիս իր հավատարմությունը հերժվածող այդ ուղղությունների դեմ հանդես եկած ուղղադավան քրիստոսաբանության նկատմամբ: Այդ տեսանկյունից միանգամայն օրինաչափ

⁴ Այդ մասին կաթոլիկյան աստվածաբան արքա Դյուշենը գրում է. «Նա դատապարտում է Եվտիքեսին և ընդունում Ս. Կյուրեղի 12 նզովքները: Նա հայտարարում է, որ Սարիմն Աստծո մայրն է, որ Աստծո Որդին մարդացավ, և Նա մեկ է և ոչ երկու, չկան երկու Որդիներ, և որ Երրորդության միայն մեկ անձը մարմնավորվեց: Եթե մեկն այլ կերպ կարծի, կբանադրվի: Մեկ կամ երկու բնությունների մասին չի հիշատակում: Բացարձակ հեղինակություն է համարում Կյուրեղի վարդապետությունը, ինչպես նաև Նրա 12 նզովքների բանաձևումը: Յնոտիկոնը չէր կարող որևէ առարկություն բարձրացնել ուղղափառության կողմից»: St u Abbe Duchesne, The Early history of the Church. v. 3, p.348. Ըստ տուրյան համանուն դիրքերից են հանդես գալիս նաև ազդեցիկ այլ հեղինակներ: St u Kelli J. N. D. Early cristian creeds, p. 123; Encyclopedia of religion and ethics (ed. by James Hastings). V 1, New - York, 1961. p. 234, v. 8, New - York, 1964, p. 431.

պետք է համարել և այն, որ «Յնոտիկոն» ընդգծված բացասական վերաբերմունք որդեգրեց երկաթնալուծյան բոլոր տարատեսակների, այդ թվում և քաղկեդոնական հավատքի նկատմամբ: Եվ քանի որ դավանագիրը միաբարական նպատակ էր հետապնդում, նրանում թվարկվում էին ուղղադավան այն ելակետերը, որոնք ընդունելի էին բոլոր եկեղեցիների համար: Ղրանով էլ պետք է բացատրել այն իրողությունը, որ «Յնոտիկոնում», երկաթնալուծյան վարդապետությունը արմատապես մերժվում է առանց «Քաղկեդոն» անունը տալու: «Դավանում ենք նույնպես, - հռչակում է «Յնոտիկոնը», - որ Աստծու միածին Որդին իրապես մարդեղացած մեր Տեր Յիսուս Քրիստոսը նույնպես Աստված է: Եակից Հորը աստվածությամբ և Եակից մարդուն իր մարդեղությամբ, որը մարմին է առել Սուրբ Կույս Մարիամ Աստվածածնից և միասնական է, այլ ոչ թե երկու: Այդ միասնականին մենք վերագրում ենք հրաշքներ և տառապանքներ, որոնք նա կրեց մարմնով, իսկ տարանջատվածներին (Յիսուս Քրիստոսի երկու բնությունները Լ. Բ.) առհասարակ չենք ընդունում, քանի որ Աստվածածնի կողմից անապական կերպով անձնավորվելով, Որդու վրա ոչ մի նոր բան չի ավելացրել: Այժմ կամ երբևիցէ, Քաղկեդոնում կամ այլ ժողովում այլ կերպ մտածող ցանկացած մեկին բանադրում ենք»⁵:

⁵ Սեր համոզմամբ, «Յնոտիկոնի» մասին առավել ամբողջական պատկերացում է հաղորդում հակաքաղկեդոնական եկեղեցական մատենագրությունը: Մասնավորապես, «Կնիք Հավատո»-ն հայտնում է. «Յաղագս այսորիկ ծանուցեալ ծեզ փութացաք, զի ամենայն ուրեք ուղղափառ եւ սուրբ եկեղեցւոյ միաւորութիւն եղիցի, եւ այլ հաւատ, կամ ուսումն, կամ սահման հաւատոյ կամ հաւատ, քան զասացեալսն յառաջագոյն ի սուրբ հարցն ՅԺԸ իցն, զոր հաստատեցին եւ ճԾ սուրբ հարքն ժողովեալք ի Կոստանդնուպօլիս, ոչ ունեաք եւ ոչ ունինք, եւ ոչ կալցուք եւ ոչ թե ունիցի ոք գիտնք, եւ որ ունիցի ոք օտար զնա ի մէջ համարինք, եւ այսու միայն քաջալերինք: Յառաջագոյն ասացաք եւ այսու համարինք կենդանի պահել զմեր թագաւորութիւնս եւ միաբան զամենայն ժողովուրդս, որ փրկական մկրտութեանն արժանի եղեն զմի եւ զմյոյ ընկալեալ, նովին լուսավորեալ, զորոյ եւ զհետ չոգան ամենայն սուրբ հարքն, մանաւանդ որ յշիեսոս ժողովեցան, որք լուծին եւ ի բաց մերժեցին զանօրէն Նստոր եւ որք յետ նորայն զնորայն խորհին եւ ունէին: Զոր եւ մեք զՆստորիոս միանգամայն հակառակափրի մը տածել, եւ որք զնորայն խորհին եւ մտաբերեն նգովեք, ընկալեալք զԲԺ: զլուին, զասացեալսն յաստուածասիրեն Կիւրդէ, այն որ եղեւ զլուիս եպիսկոպոսացն եւ սրբոյ եկեղեցւոյն Աղեքսանդրեայ»:

«Քանզի հաւատամք, եթէ Միածինն Որդի Աստուծոյ Աստուած էր ճշմարտութեամբ այն, որ մարմնացաւ, Տեր մեր Յիսուս Քրիստոս, այն, որ ի բնութենէ Հօր յաստուածութեանն իւրում, եւ ի բնութենէ մերձե եղեւ մարդկութիւնս իւր, այն, որ էջն եւ մարմնացաւ ի Հօգւոյն Սրբոյ եւ ի Կուսէն Մարիամայ Աստուածածնէն: Քանզի մի է Որդի, եւ ոչ երկու խոստովանինք, զի մի է Միածինն Որդին Աստուծոյ, եւ նորա են սքանչելագործութիւնքն եւ չարչարանքն, զոր կամաւորութեամբ կրեաց մարմնով իւրով: Այլ զայնօրիկ, որ բաժանենն եւ փոփոխելի ասեն կամ այլալելի զայնափսիսն ոչ ընդունինք, քանզի ճշմարիտ մարմնավորութիւն անապական եւ առանց մեղաց, որ յմատուածածնէն եղեւ, յաշխուած Որդւոյ ոչ արար, այլ Երրորդութիւն Երրորդութիւն մինչ կանեցաւ եւ մարդացաւ մի յերրորդութենն, Բանն Աստուած»: Ի թղթոյն Զնոնի

Այսպիսով, «Հենոտիկոնում» թեև ուղղակի ոչինչ չի ասվում երկու բնությունների մասին, բայց շեշտադրվում է, որ «Հիսուս Քրիստոսն էակից է ինչպես Հայր Աստծուն աստվածությամբ, այնպես էլ մարդկանց մարտիրոսությամբ»։ Դրանով կայսերական դավանագիրը լիովին համընկնում է քրիստոնեության առաջին երեք տիեզերական ժողովների դավանաբանական որոշումների վրա խարսխված արևելյան հակաքաղկեդոնական քրիստոսաբանությանը, և այդ իսկ պատճառով էլ այն բացահայտ կերպով կանոնական է համարում Կյուրեղ Ալեքսանդրացու աստվածաբանական դիրքորոշումը ուղղափառ ճանաչելով աստվածաբանի կողմից Նեստորին ուղղված 12 հայտնի նշովները։ Հավանաբար պատճառն այդ է, որ եկեղեցու պատմությամբ և աստվածաբանությամբ զբաղվող բազմաթիվ հետազոտողներ, այդ թվում բողոքականներ Գիգելերը և Նեանդերը, ուղղափառ Պապարիկուպոլոն են ընդունում նաև, որ «Հենոտիկոնը» իր էությամբ ուղղափառ փաստաթուղթ է։

Ավելացնենք նաև, որ իր բովանդակային միտումներով «Հենոտիկոնն» ընդգծված հակաքաղկեդոնական ուղղվածություն ունի։ Ճիշտ է, ինչպես արևմտյան, այնպես էլ արևելյան աստվածաբանների ու եկեղեցագետների մի զգալի հատվածը փորձում է մերժել այդ, սակայն նման մոտեցումը զուրկ է ինչպես հավատքային, այնպես էլ պատմական հիմնավորումից։ Ճիշտ է, «Հենոտիկոնը» բառացի կերպով չի մերժում քաղկեդոնական հավատքը, սակայն հարցի նկատմամբ անկանխակալ մոտեցումը թույլ է տալիս հիմնավոր կերպով բխեցնել ակնհայտ այդ ուղղվածությունը։ Նախ, «Հենոտիկոնը» կանոնական է համարում միայն առաջին երեք (Նիկեայի 325 թ., Կ. Պոլսի 381 թ. և Եփեսոսի 431 թ.) տիեզերական ժողովների դավանաբանական որոշումները։ Եվ, քանի որ Քաղկեդոնի ժողովը դուրս է դրված կանոնական համարվող շարքից, ակնհայտ է, որ Քաղկեդոնի ժողովի կողմից հաստատված Հավատքի սահմանումը դուրս է դնում ուղղափառ հավատքի սահմաններից։ «Հենոտիկոնի» հակաքաղկեդոնական բովանդակության փաստն է վկայում և այն, որ Չենոն և ապա Անաստասիոս կայսրերի կողմից միարարական

բարեպաշտ եւ ուղղափառ թագաւորի, որ կոչի Հենատիկոն, այսինքն միաւորիչ, որ է յետ Լամի Քաղկեդոնի ժողովոյն։

«Արդ, զհուացէ՛ք այսուհետեւ, զի ոչ տւրբ եկեղեցիք, որ են յամենայն կողմանս, եւ ոչ այնք, որ պաշտենն զնոսա աստուածասէր քահանայք եւ թագաւորութիւնս մեր, այլ հաւատ կան այլ սահման հաւատոյ, բայց այն, որ վերագոյն ասացաւ, ոչ ընկալաք եւ ոչ ընդունիք։ Այսուհետեւ եկայք ամենեքեան անխտորութեամբ ի միաբանութիւն հաւատոյ։ Այլ զայդ ամենայն, զոր զրեցաքդ առ ձեզ, ոչ եթե այնք որ զհաւատ նորոգենք, այլ որպէս զայսոսիկ, որ խնդրուածս մատուցանենք։ Բայց զայնոսիկ, որ այլ ինչ խորհեցան եւ կան խորհիցին այժմ եւ կան երբ եւ իցէ, կան ի Քաղկեդոնի, եւ կան յոր եւ իցէ յայլ ժողով զնոսա նշովենք, մանաւանդ զայնոսիկ, որ կոչեցան Նեստորիանոսք եւ Եվտիբոսք, եւ որք զնոցայն խորհեցան կան խորհին»։ Տե՛ս Կնիք Հաւատոյ, Էքմիաժին, 1914, էջ 126։

քաղաքականության հիմքում դրվեց Քաղկեդոնի հետևանքով հրապարակ իջած ներեկեղեցական պառակտումը հաղթահարելու հրամայականը:

Այդ ամենն էլ հիմք են տալիս վստահորեն պնդել, որ իր հակաքաղկեդոնական ուղղվածությամբ «Յենոտիկոնը» համղես եկավ իբրև 451 թ. եկեղեցական-դավանաբանական պառակտումը հաղթահարելու ամենաարմատական քայլերից մեկը: Սնում էր կյանքի կոչել տրամաբանական հաջորդ քայլը կարողանալ դավանագրի շուրջ միավորել պառակտված եկեղեցու տարբեր հոսանքներին: Ինչպես ժամանակի մատենագիրները, այնպես էլ հետագա հետազոտողները միահամուռ են այն հարցում, որ արևելյան եկեղեցիների եպիսկոպոսական դասի բացարձակ մեծամասնությունն ընդունելի էր համարում «Յենոտիկոնը» և պատրաստ էր միաբանվել նրա շուրջ: Բայց ինչպես բազմաթիվ այլ հարցերում, այս պարագայում ևս քաղկեդոնական տեսաբանների մոտեցումն աչքի է ընկնում ընդգծված կանխակալությամբ: Այսպես, Ու. Ուոլբերը համարում է, որ միաբարակյան այդ քաղաքականությունը «...ազդեցիկ հաջողությունների հասավ Արևելքում, կայսերական ուղղադավանության պաշտոնական նորմ մնալով նաև Անաստասիոս կայսեր (491-518) օրոք: Բայց «Յենոտիկոնն», ի վերջո, ծախսողվեց իր նպատակներում: Ավելի ուշ այն դատապարտվեց և դրա հետ միաժամանակ դատապարտվեցին նաև Կ. Պոլսի հաջորդող այն պատրիարքները, որոնք պաշտպանում էին այն»⁶:

Ավելի քան ակնհայտ է, որ քաղկեդոնականության այս ջատագովը փորձում է քրիստոնեական արևելքում «Յենոտիկոնի» արմատավորումը և դրա հետ կապված իրադարձությունների ծավալումն արժևորել իբրև «կայսերական ուղղադավանության պաշտոնական նորմ», այլ կերպ ասած նա համարում է, որ «Յենոտիկոնն» արմատավորվել է հարկադրաբար: Բայց այդ մոտեցումը, պատմականորեն, միանգամայն անհիմն է: Բանն այն է, որ հակաքաղկեդոնականության հենքի վրա միավորման միտումներն ամենևին էլ չամփոփվեցին Բյուզանդական կայսրության սահմաններում: Չակառակը, Բյուզանդական եկեղեցու շրջանակներից դուրս գալով «Յենոտիկոնը» համաքրիստոնեական բովանդակություն և նշանակություն ձեռք բերեց: Իսկ ինչ վերաբերում է քաղկեդոնական հավատքին, ապա այն իրապես արմատավորվեց հարկադրանքով, որի պատճառով էլ Արևելյան եկեղեցիները պառակտվեցին ոչ միայն դավանաբանական, այլ նաև կանոնական առումներով: Արժեքային այդ մոտեցումը պատմականորեն լիովին անընդունելի է նաև այն պարզ պատճառով, որ առանց բացառության արևելյան բոլոր պատրիարքությունները (Ալեքսանդրիա, Երուսաղեմ, Կ. Պոլիս և, մասամբ, Սևտիոք) «Յենոտիկոնի»

⁶ A history of the Christian Church (ed. by Wilsston Walker), p. 176.

նկատմամբ բացահայտ դրական վերաբերմունք դրսևորեցին: Իսկ դա նշանակում է, որ նվիրապետական այդ կենտրոնների համար Ձեռնոն կայսեր դավանագիրը ոչ թե «պաշտոնական նորմ» էր, այլ ուղղադավանության և հերժվածության միջև ընտրություն կատարելու հնարավորություն: Այդ կապակցությամբ հարկ ենք համարում մատնանշել և այն, որ V դարավերջին և VI դարակզբին «համաձայնության դավանագիրը» դարձել էր յուրահատուկ հավատքային բարոնետր, որը ցույց էր տալիս, թե քրիստոնեական նվիրապետական կենտրոնները ինչպիսի վերաբերմունք էին որդեգրել աժանդական ուղղադավանության և քաղկեդոնական նորարարության փոխհարաբերության նկարմամբ: Իսկ այն փաստը, որ «Յենոտիկոնի» ուղղադավանությունը մերժվեց միայն Յոռնեական պատրիարքության կողմից, մեր կարծիքով, մեկ անգամ ևս վկայում է այն մասին, որ նվիրապետական այդ կենտրոնը անհողողող կանգնած էր «նեստորականության կոսմետիկ վերարտադրության» Լևոնի «Տոմարի» պաշտպանության դիրքերում:

«Յենոտիկոնի» հրապարակումը և նրա շուրջ ծավալված իրադարձությունները բացահայտեցին դավանաբանական վիճաբանություններին բնորոշ օրնաչափություններից ևս մեկը, այն որ հասարակական և պատմական այլ երևույթների նման դավանաբանական ուսմունքները ևս անցնում են զարգացման հաջորդական փուլեր: Այդ տեսանկյունից «Յենոտիկոնին» առնչվող համալիր հարցերից հաջորդը կապված է վերջինիս ծավալման (արմատավորման) հետ: Վաժերագրերը վկայում են, որ հակաքաղկեդոնական դավանագրի հրապարակումից կարճ ժամանակ անց Ալեքսանդրիայի պատրիարք Պետրոս Մոնզը ճանաչեց «Յենոտիկոնի» ուղղադավանությունը: Նույն շարժառիթներով ալեքսանդրացիներին միացավ նաև Երուսաղեմի Սարտիրոս պատրիարքը, որը ևս հրաժարվեց քաղկեդոնական հավատքից: «Յենոտիկոնի» ընդունման հարցում յուրահատուկ հավասարակշռող քաղաքականություն որդեգրեց Անտիոքի պատրիարքությունը: Քաղկեդոնականության մոլի ջատագով Կալանդիոն պատրիարքը ոչ միայն մերժեց ընդունել նոր դավանագիրը, այլև, միավորվելով հակակայսերական ընդդիմադիր ռազմաքաղաքական ուժերին, անհաջող պալատական հեղաշրջման դավակից դարձավ: Դրանից հետո նա վտարվեց նվիրապետական աթոռից և արտաքսվեց: Կյուրեղյան քրիստոսաբանության ջատագով Անտիոքի նոր պատրիարք Պետրոս Գնաֆեսի օրոք նվիրապետական այդ կենտրոնը ոչ միայն ճանաչեց «Յենոտիկոնը», այլև եկեղեցու ժամակարգության մեջ ներմուծեց Քաղկեդոնի դավանանքին հակադիր Նիկեական Յանգանակի ընթերցանությունը:

Այն, որ «Յենոտիկոնի» հրապարակումից հետո քրիստոնեական Արևելքում նկատվում էր քաղկեդոնականությունը մերժելու շարունակական միտում:

ընդունում են նաև քաղկեդոնական աստվածաբանները: Այդ տեսանկյունից հետաքրքրական է Պ. Մեյենդորֆի այն տեսակետը, թե Յենոտիկոնի հրապարակումից հետո ներկեղեցական հարաբերություններում տիրապետում էր միանգամայն նոր իրավիճակ: Յեղիմակն այդ իրավիճակը բնութագրում է հետևյալ կերպ «... այդ օրերին Քաղկեդոնի ժողովը բազմաթիվ եկեղեցիներում բացահայտորեն չէր ընդունվում, թեև բոլորի կողմից չէր էլ մերժվում, յուրաքանչյուր եպիսկոպոս գործում էր իր հավատքային համոզմունքների համաձայն»: Իհարկե, անհնարին է պատկերացնել, որ պատրիարքական և նվիրապետական այլ կենտրոնների առկայության դեպքում յուրաքանչյուր եպիսկոպոս կարող էր գործել «իր հավատքային համոզմունքների համաձայն», սակայն կասկածից վեր է, որ «Յենոտիկոնը» ոչ բոլորի կողմից էր ընկալվում իբրև ուղղադավան փաստաթուղթ: Իսկ դա մեկ անգամ ևս վկայում է այն մասին, որ «Յենոտիկոնն» ունեցել է պատմականորեն բարդ և հակասական ընթացք: Այս համատեքստում ընդունելի պետք է համարել նաև հեղինակի այն պնդումը, թե «Յենոտիկոնի» շուրջ ծավալված իրադարձությունների ընթացքը կարող էր դրական վախճան խոստանալ միայն մի դեպքում, եթե նրա հենքի վրա ձևավորված «... իրական համաձայնությունը շաղկապվեր քրիստոսաբանության ինքնին և եկեղեցական ավանդության հաստատուն մեկնության վրա»: Ինչ վերաբերում է հեղինակի այն պնդմանը, թե «Յենոտիկոնի իրավակարգը, որը պաշտպանում էին Ջենոն և Անաստասիոս կայսրերը, վերելք ապրեց», և «Կ. Պոլսի եկեղեցին Ակակիոսի և նրա հաջորդների օրոք բազում տասնամյակներ գործնականում դարձավ արևելյան միակ կենտրոնը, որը պաշտպանում էր այդ միտումը»⁸, ապա այն լիովին անհարիր է ճշմարտությանը, հետևաբար անընդունելի է գիտության կողմից:

Այդ առնչությամբ մեկ անգամ ևս հարկ ենք համարում մատնանշել, որ «Յենոտիկոնի» արմատավորումն Արևելյան քրիստոնեությանը (թե քաղկեդոնական և թե հակաքաղկեդոնական) չի պարտադրվել, այսինքն՝ դավանագիտական ընդունելու հարցում ազատ ընտրության իրավունք է վերապահվել բոլորին: Դրանով է պայմանավորված է քննարկվող հիմնահարցի բնորոշ, գուցե, ամենաարմատական գծերից մեկը, այն, որ եկեղեցական միության դեմ

⁷ Meyendorff P. Imperial unity and christian divisions. p. 201.

⁸ Meyendorff P. Imperial unity and christian divisions. p. 201. Այդ մասին գրեթե նույնական մոտեցում են ցուցաբերում Արևելյան և Արևմտյան քաղկեդոնական եկեղեցու բազմաթիվ ներկայացուցիչներ: Ств. Писания М. Э. История христианской Церкви (до разделения Церквей - 1054 г.), с. 399, Болотов В. В. Лекции по истории древней Церкви. Т. 4, с. 207-209; Кармаев А. В. Вселенские соборы, с. 259; Abbe Duchesne. The Early history of the Church, v. 3, p. 348; Kelli J. N. D. Early christian creeds. p. 123. Encyclopedia of religion and ethics (ed. by James Hastings), v. 2, p. 644 և այլն:

ուղղված ծայրահեղ մոտեցումները հավասարապես վերագրելի են թե քաղկեդոնական և թե հակաքաղկեդոնական հոսանքներին: Ընդ որում, հատկանշական է անժխտելի մեկ այլ փաստ ևս: Ինչպես վկայում են վավերագրերը, «Հենոտիկոնի» դեմ գործող ամենաազդեցիկ ուժը դարձան ոչ թե քաղկեդոնական, այլ հակաքաղկեդոնական արմատական ուղղությունները: Եվգարիոս պատմիչը հայտնում է, որ ինչպես Եգիպտոսի, այնպես էլ Ասորիքի ու Երուսաղեմի հակաքաղկեդոնական հոգևորականների մի ստվար հատվածը «Հենոտիկոնը» ընդունելի չէր համարում այն պատճառաբանությամբ, թե դա «լիարժեք դավանաբանական փաստաթուղթ չէ»: Ընդ որում, հակաքաղկեդոնական հոսանքի դավանաբանական արմատական այդ դիրքորոշումը խարսխված էր այն համոզմունքի վրա, թե «Հենոտիկոնը» արմատապես չի հակադրվում քաղկեդոնական «երկու բնության» սահմանմանը⁹:

Կասկածից վեր է, որ եկեղեցու ներքին կյանքում տեղ գտած ծայրահեղ այդ կողմնորոշումները չէին կարող նպաստել վիճաբանական հարցի լուծման գործին: Իրադարձությունների նմանատիպ ծավալման ընթացքի ըննական արժևորումը թույլ է տալիս փաստարկված կերպով մերժել քաղկեդոնական աստվածաբանության և եկեղեցագիտության այն պնդումը, թե, իբր, «Հենոտիկոնի» մերժումը և «ուղղադավանության պաշտպանությունը» տեղի է ունեցել քաղկեդոնականների պայքարի շնորհիվ: Փաստերը թույլ են տալիս վստահորեն պնդել, որ «Հենոտիկոնի» դեմ ուղղված հակաքաղկեդոնական ընդդիմության արմատական - մերժողական դիրքորոշումը ոչ միայն պատճառ դարձավ «Հենոտիկոնի» հետևանքով ձևավորված «դավանաբանական փխրուն համերաշխությունն» ի չիք դարձնելուն, այլև քաղկեդոնականների ձեռքին զենք հանդիսացավ ընդդեմ «Հենոտիկոնի»: Այդ հենքի վրա ձևավորված տարածայնությունները չէին կարող անվերջ շարունակվել և մեծապես նպաստեցին միջեկեղեցական լարվածության ուժգնացմանը: Նշված միտումներն էլ ավելի ցայտուն տեսք ստացան Զոոմի աթոռի միջամտության հետևանքով, որը մեր համոզմամբ «սեփական բացառիկության հիվանդոտ հավակնությամբ» քաղկեդոնականության պահպանումը սերտորեն շաղկապում էր «Լևոնի Տոմարը փրկելու» մոլուցքի հետ:

⁹ Մանրամասները տես Евгаріу Схоластик. Церковная История. СПб, 1999, с. 101-110. Այս հարցում Եվգարիոսին ուղղակի կրկնում են նաև երկբնակ բազմաթիվ հեղինակներ: Ств Поснов М. Э. История христианской Церкви (до разделения Церквей - 1054 г.), с. 340; Болотов В. В. Лекции по истории древней Церкви. Т. 4, с. 212; Карпашев А. В. Вселенские соборы, с. 305-308; Abbe Duchesne. The Early history of the Church, v. 3, p. 351; Kelli J. N. D. Early cristian creeds, p. 124 և այլն:

Այդ տեսակետից հատկանշական է հատկապես Յուդի Ֆելիքս Բ պապի գործունեությունը: Համիրավի անտեսելով միություն հաստատելու գործում Արևելյան նվիրապետական կենտրոնների դիրքորոշումը, նա ոչ միայն մերժեց ճանաչել «Հենոտիկոնի» ուղղադավանությունը, այլև նզովեց դավանագրի հեղինակ համարվող Կ. Պոլսի Ակակիոս պատրիարքին¹⁰: Պապի որդեգրած այդ քաղաքականության հետևանքով արևելյան և արևմտյան եկեղեցիների միջև հիմք դրվեց 35-ամյա հակամարտության, որը դրսևորվեց ոչ միայն հոգևոր-դավանաբանական, այլև քաղաքական հարաբերությունների ոլորտում:

«Հենոտիկոնի» շուրջ ծավալվող իրադարձություններն էլ ավելի անհաշտ տեսք ստացան Ձենոն կայսեր մահվանից հետո: Եհիշ է, նրան հաջորդող Անաստասիոս կայսրը նույնպես համակրանքով էր վերաբերվում հակաքաղկեդոնական ուղղադավանությանը և ձգտում էր նրա աջակցությամբ լուծել եկեղեցու համար այնքան կենսական միասնացման հարցը, սակայն նրա կրոնական քաղաքականությանը դեմ դուրս եկավ Կ. Պոլսի Սակեդոնիոս պատրիարքը: Վավերագրերը վկայում են, որ աստվածաբանական ճակատում չկարողանալով դիմադարձ կանգնել «Հենոտիկոնին» Կ. Պոլսի պատրիարքը փորձ կատարեց դրան հակադրվել քաղաքական դաշտում, որի պատճառով բննարկվող հիմնահարցի շուրջ արքունիքի և Սակեդոնիոսի հակասությունը հասավ իր գագաթնակետին: Եվ, երբ անհաջող դավադրությունից հետո պատրիարքը վավերական ճանաչեց «Հենոտիկոնը», կարճ ժամանակ անց կրկին անցավ ընդդիմադիրների շարքը, որի պատճառով էլ արտաքսվեց Անատոլիա¹¹:

Ինչպես միաբարական նախորդ դավանագրի Բասիլիկոս կայսեր «Ենկիկլիկոնի» պարագայում, Ձենոն կայսեր «Հենոտիկոնի» հետագա ճակատագրի համար ևս բախտորոշ նշանակություն ունեցան ոչ թե հոգևոր, այլ քաղաքական իրադարձությունները: Բյուզանդական դանության գործերի հրամանատար Վիտալիանոսի գլխավորությամբ խռովություն բարձրացվեց և

¹⁰ Կաթոլիկ եկեղեցու արմատական այդ դիրքորոշման մասին Ֆ. Շաֆֆը գրում է. «Յուդի եպիսկոպոս Ֆելիքս Բ մերժեց Հենոտիկոնը և արևելքի հետ միությունը»: Նա հանգամանորեն անդրադառնում է այդ հարցի «ներքին միտումների» նկարագրությանը և ցույց տալիս, որ նման մոտեցման հիմքում ընկած էր «պապականության առաջնության» կեղծ պատկերացումը: St u Philip Schaff. History of the Christian Church, v. 3, p. 765.

¹¹ St u Поснов М. Э. История христианской Церкви (до разделения Церквей - 1054 г.), с. 340; Болотов В. В. Лекции по истории древней Церкви. Т. 4, с. 312; Карпачев А. В. Вселенские соборы, с. 305-308; Abbe Duchesne. The Early history of the Church, v. 3, p. 362; Kelli J. N. D. Early cristian creeds, p. 123; Encyclopedia of religion and ethics (ed. by James Hastings), v. 1, p. 644.

ապստամբները կայսերական իշխանությունից ու Կ. Պոլսի պատրիարքությունից պահանջեցին վերականգնել հարաբերությունները Հռոմի աթոռի հետ: Տուրք տալով ռազմական ուժի հարկադրանքին Ամաստասիոս կայսրը հարկադրված էր բավարարել նրանց պահանջը և, որքան էլ հավատքային առումով ծանր լիներ նրա համար, հաշտություն առաջարկեց Հռոմին¹²:

Իրադարձությունները կտրուկ փոխվեցին 518 թ., երբ Բյուզանդական գահը ժառանգեց մոլի քաղկեդոնական Հուստինոսը: Իր մերձավորագույն օգնական և ազգակից Հուստինիանոսի օժանդակությամբ կայսրը, բռնության և հարկադրանքների քաղաքականութուն ծավալելու միջոցով, կարողացավ ուղի հարթել քաղկեդոնականության վերջնական հաղթանակի համար: Կայսեր ջանքերով հրավիրված Կ. Պոլսի եպիսկոպոսական ժողովը «ուղղադավան» և «առաքելական ավանդույթներին հավատարիմ» հռչակեց այն հավատքը, որը շարադրված է «Ս. Պետրոսի ժառանգորդի Լևոնի Տոմարուն»: Դրանից անվերապահ կերպով բխում էր նաև քաղկեդոնական հանգանակը պահպանելու հրամայականը¹³:

Այսպիսով, քաղկեդոնականության հենքի վրա պառակտված քրիստոնեական Արևելքը միավորելու «Հնոսիկոնի» ջանքերը նույնպես ապարդյուն անցան: Հոգևոր դեգերումների մեջ գտնվող քրիստոնեական պատրիարքությունները ոչ միայն չկարողացան հավուր պատշաճի գնահատել իրենց գործունեության համար լայն հեռանկարներ բացող միարարության քաղաքականությունը, այլև ի զորու չեղան անհրաժեշտ և օգտակար պտուղներ քաղել նույնիսկ քաղկեդոնական եկեղեցու համար: Այդ ամենի արդյունքում էլ ավելի խորացան և աստիճանաբար ներհակ տեսք ստացան ոչ միայն քաղկեդոնական և հակաքաղկեդոնական եկեղեցիների, այլև քրիստոնեական Արևելքի և Արևմուտքի քաղկեդոնական եկեղեցիների հարաբերությունները:

¹² Այդ մասին մանրամասները տես Поснов М. Э. История христианской Церкви (до разделения Церквей - 1054 г.), с. 340; Болотов В. В. Лекции по истории древней Церкви. Т. 4, с. 312; Карпашев А. В. Вселенские соборы, 305-308; Abbe Duchesne, The Early history of the Church, v. 3, p. 362, A history of the Christian Church (ed. by Wilsston Walker), p. 176, Meyendorff P. Imperial unity and christian divisions, p. 201.

¹³ Մանրամասները տես Евграш Схоластик. Церковная История, с. 134-136. Այս հարցում եվգարիոսին ուղղակի կրկնում են նաև երկրնակ բազմաթիվ հեղինակներ: Sten Поснов М. Э. История христианской Церкви (до разделения Церквей - 1054 г.), с. 342; Болотов В. В. Лекции по истории древней Церкви. Т. 4, с. 314; Карпашев А. В. Вселенские соборы, 305-308; Abbe Duchesne, The Early history of the Church, v. 3, p. 365, A history of the Christian Church (ed. by Wilsston Walker), p. 180, Meyendorff P. Imperial unity and christian divisions, p. 203 և այլն: